

四庫全書

集部

欽定四庫全書

集部

花草粹編卷十

詳校官編修 臣周瓊

侍讀 臣孫球覆勘

總校官檢討

臣

何思鈞

校對官中書

臣

高 中

謄錄監生

臣

許

溶

欽定四庫全書

花草粹編卷十

明 陳耀文 輯

小令

端正好

杜壽域

檻菊愁烟霑秋露天微冷雙燕辭去月明空照別離苦  
透素光穿朱戶夜來西風彫寒樹凭欄望迢迢長路  
花箋寫就此情緒特寄傳知何處

二

每逢春來長如病玉容瘦薄妝相稱雙歡未經成孤另  
奈後約全無定 衆禽啾唧聲愁聽相思事多少春恨  
孤眠帳外銀缸耿透一點爐烟暝

三

野禽林栖啾唧語閒庭院殘陽將暮蘭堂靜悄珠簾窸  
想玉人歸何處 喜鵲幾回薄無據愁都在雙眉頭聚  
淒涼方感孤鴛侶對夜永成愁緒

戀繡衾

朱希真

木落江南感未平  
雨瀟瀟衰鬢到今甚處是長安  
路水連空山鎖暮雲  
老人對酒今如此  
一番新殘夢暗驚  
又是灑黃花  
汨問明年此會怎生

陸放翁

長夜偏冷添被兒  
枕頭兒移了又移  
我自是笑別人却  
元來當局者迷  
如今只恨因緣淺  
也不曾死恨伊合  
手下安排了  
那筵席須有散時

二

病來自是於春嬾但別院笙歌一片蛛絲網遍玻璃蓋  
更問舞裙歌扇有多少驚愁蝶怨甚夢裏春歸不管  
楊花也笑人情淺故故粘衣撲面

史達祖

黃華驚破九日愁正寒城風雨怨秋愁便是秋心也又  
隨人來到畫樓因緣幸自天安頓更題紅不禁御溝  
待寫與相思話為怕奴顚顚且休

杏花天

朱希真

淺春庭院東風曉  
細雨打鴛鴦寒峭  
花尖望見秋千了  
無路踏青鬪草  
人別後碧雲信杳  
對好景愁多歡少  
等他燕子傳音耗  
紅杏開也未到

春思

吳子和

悶來憑得闌干暖  
自手引朱簾高捲  
桃花半露胭脂面  
芳草如茵乍展  
煙光散湖光瀲灩  
映綠柳黃鸝巧轉  
遙山好似宮眉淺  
人比遙山更遠

史邦卿

細風微月垂楊院記年少春愁一點棲鶯未覺花梢顫  
踏損殘紅幾片長安共日邊近遠況老少芳情漸減  
屏山幾夜春寒淺却怕因而夢見

春田

謝勉仲

海棠枝上東風軟蕩霽色煙光弄暖雙雙燕子歸來晚  
零落紅香過半琵琶淚搵青衫淺念事與危腸易斷  
餘醒未解扶頭懶屏裏瀟湘夢遠



杏花風

稼軒

軟波拖碧蒲芽短畫樓外花晴柳暖今年自是清明晚  
便覺芳情較懶春衫瘦東風剪剪過花塢香吹醉面  
歸來立馬斜陽岸隔水歌聲一片

月照梨花

一作怨  
王孫

張子野

花暮春去都門東路嘶馬將行江南江北十里五里郵  
亭幾程程高城漸遠重凝睇烟容細碧空無際不知  
今夜何處冷落衾幃欲眠時

陸務觀

霽景風軟烟江春漲小閣無人繡簾半上花外姊妹相  
呼約撈蒲脩蛾忘了章臺樣細思一餉感事添惆悵  
胸酥臂玉消減擬覓雙魚倩傳書

二

悶已縈損那堪多病幾曲屏山伴人晝靜梁燕催起猶  
慵換薰籠新愁舊恨何時盡漸凋綠鬢小雨知花信  
芳牋寄與何處繡閣珠櫳柳陰中

黃玉林

晝景方永重簾花影好夢猶酣鶯聲喚醒門外風絮交  
飛送春歸 脩蛾畫了無人問幾多別恨淚洗殘粧粉  
不知郎馬何處嘶烟草萋迷鷓鴣啼

春暮

李易安

夢斷漏悄愁濃酒惱寶枕生寒翠屏向曉門外誰掃殘  
紅夜來風 玉簫聲斷人何處春又去忍把歸期負此  
情此恨此際擬託行雲問東君

二

帝里春晚重門深院草綠堦前暮天鴈斷樓上遠信誰  
傳恨綿綿多情自是多沾惹難拚捨又是寒食也鞦  
韆巷陌人靜皎月初斜浸梨花

怨王孫

賞荷

湖上風來波浩渺秋已暮紅稀香少水光山色與人親  
說不盡無窮好蓮子已成荷葉老清露洗蘋花汀草  
眠沙鷗鷺不回頭似應也恨人歸早

首句復雅歌詞作  
雲鎖重樓簾幙曉

憶王孫

絕筆

周紫芝

梅子青時春漸老紅滿地落花誰掃舊年池館不歸來  
又綠盡今年草思量千里鄉關道山共水幾時得到  
杜鵑只解怨殘春也不管人煩惱

望江南

一名夢遊仙夢江南好

李後主

多少恨昨夜夢魂中還似舊時遊上苑車如流水馬如  
龍花月正春風多少淚斷臉復橫願心事莫將如淚

滴鳳笙休向月時吹腸斷更無疑

二

閒夢遠南國正芳春船上管絃江面綠滿城飛絮混輕  
塵愁殺看花人 閒夢遠南國正清秋千里江山寒色  
遠蘆花深處泊孤舟笛在月明樓

永叔

江南蝶斜日一雙雙身似何郎全傳粉心如韓壽愛偷  
香天賦與輕狂 微雨後薄翅膩烟光纔伴遊蜂來小

院又隨飛絮過東牆長是為花忙

錢氏私志

江南柳葉細未成陰人為絲輕那忍折鶯嬌枝嫩不勝  
吟留與待春深 十四五閒抱琵琶尋階上占錢階下  
走那時相見已留心何況到如今

王君玉琪

江南柳烟穗拂人輕愁黛空長描不似舞腰雖瘦學難  
成天意與風情 攀折處離恨幾時平已縱柔條維客

棹更飛狂絮撲旗亭三月亂啼鶯

二

江南酒何處味偏濃醉卧春風深巷裏曉尋香旆小橋東  
竹葉滿金鍾檀板醉人面粉生紅青杏黃梅朱閣上  
鱖魚苦筍玉盤中酩酊任愁攻

三

江南燕輕颺繡簾風二月池塘新社過六朝宮殿舊巢空  
鵲鳩自西東王謝宅曾在桂堂中烟逕落花飛款



欸曉窗驚夢語忽忽偏占杏梁紅

四

江南竹清潤絕纖埃深逕欲留雙鳳宿後庭偏映小桃  
開風月影徘徊寒玉瘦霜霰信相催粉泪空流粧點  
在羊車曾傍翠枝來龍笛莫輕裁

五

江南草如種復如描深映落花鶯舌亂綠迷南浦客魂  
銷日日鬪青袍風欲轉柔態不勝嬌遠翠天涯經夜

雨冷痕沙上帶昏潮誰夢與蘭苔

六

江南雨風送滿長川碧瓦烟昏沉柳岸紅銷香潤入梅  
天飄灑正蕭然昏與暮長在楚峯前寒夜愁歌金帶  
枕暮江深閉木蘭船烟汨遠相連

七

江南水江路轉平沙雨霽高烟收素練風晴細浪吐寒  
花迢遞送星槎名利客飄泊未還家西塞前山漁唱

遠洞庭波上鴈行斜征棹宿天涯

八

江南岸雲樹半晴陰帆去帆來天亦老潮生潮落日西  
沉南北別離心興廢事千古一沾襟山下孤烟漁市  
遠柳邊疎雨酒家深行客莫登臨

九

江南月清夜滿西樓雲葉開時冰吐鑑浪花深處玉沉  
鉤圓缺幾時休星漢迴風露入新秋丹桂不知搖落

恨素娥應信別離愁天上共悠悠

十

江南雪輕素剪雲端瓊樹忽驚春意早梅花偏覺曉香  
寒飛盞遞清歡蟾玉迴清夜好重看謝女聯詩吟翠  
幕子猷乘興泛平瀾空惜舞英殘

與龍靚

張子野

青樓宴靚女薦瑤杯一曲白雲江月滿際天拖練夜潮  
來人物悞瑤臺醺醺酒拂拂上雙腮媚臉已非朱淡

粉香紅全勝雪寵梅標格外塵埃

閨情

香閨內空自想佳期獨步花陰情緒亂謾將珠泪兩行  
垂勝會在何時 懨懨病此夕最難持一點芳心無托  
處荼蘼架上月遲遲惆悵有誰知

周美成

遊妓散獨自遶回堤芳草懷煙迷水曲密雲銜雨暗城  
西九陌未霑泥 桃李下春晚未成蹊牆外見花尋路

轉柳陰行馬過鶯啼無處不悽悽

九日雨奉敕撰

康伯可

重陽日陰雨四郊垂戲馬臺前泥拍肚龍山會上水平  
臍直浸到東籬茱萸胖菊蕊濕滋滋落帽孟嘉尋窮  
笠休官陶令覓蓑衣兩箇一身泥

梅苑

梅花好依約透春光記得佳人初睡起巧臨鸞鑑試新  
粧粉面闌瓊芳江亭上遶樹嗅清香擬把一枝傳信

去不知何處是蘭房獨自暗淒涼

夜泊龍橋灘前遇雨作

程正伯

篷上雨篷底有人愁身在漢江東畔去不知家在錦江頭  
烟水兩悠悠吾老矣心事幾時休沉水熨香年似日薄雲垂帳  
夏如秋安得小書舟

石次仲

山又水雲巘帶風灣斷鴈飛時天拍水亂鴉啼處日銜山  
疑在畫圖間人漸遠遊子損朱顏別淚空沾雙袖

濕春心不放兩眉間此去幾時還

盧申之

疎雨過芳節到戎葵纏臂細交紋線縷稱身初試碧綃  
衣閒步小亭池花下意脈脈有誰知試把花梢和恨  
數因看蝴蝶著雙飛凝扇立多時

壽張儀真

王楙

野客  
叢書

三傑後福壽兩無涯食乳相君功未既嫵眉京兆眷方  
滋富貴莫推辭門兩戟卻棹一綸絲蓴菜秋風鱸膾



美桃花春水鰕魚肥  
笑傲雲谿湄

酬梓潼婁道明侍兒

洞賓

瑤池上瑞霧藹羣仙  
素練金童鏘鳳板  
青衣玉女肅笙鸞  
身在大羅天  
沉醉處縹渺玉京山  
唱徹步虛清燕罷  
不知今夕是何年  
海水又桑田

蔡真人

闌干曲紅颺繡簾  
旌花嫩不禁纖手捻  
被風吹去意還驚  
眉黛感山青  
鏗鐵板閒引步虛聲  
塵世無人知此

曲却騎黃鶴上瑤京風冷月華清

陳東靖康間嘗飲於京師酒樓有倡打坐而歌者東  
不顧倡去倚闌獨立歌此詞音調清越東問何人製  
曰上清蔡真人也歌罷得數錢  
即下樓亟遣僕追之已失矣

海山記

隋煬帝

湖上柳烟裏不勝摧宿霧洗開明媚眼東風搖弄好腰  
肢烟雨更相宜環曲岸陰覆畫橋低線拂行人春晚  
後絮飛晴雪暖風時幽意更依依

青鎖高議海山記云隋煬帝泛東湖製湖上曲望江  
南八閤按段安節樂府雜錄云望江南李德裕鎮淞

日為亡妓謝秋娘所撰本名謝秋娘後改此名亦曰  
夢江南據此則隋時初無此調也且曲詞畧不類隋  
人語豈其劉斧虛構為者耶因  
留此一闋以祛後人之惑云

諭新及第友人

古今詞話

這癡騷休恁淚漣漣他是霸陵橋畔柳千人攀了到君  
攀剛甚別離難荷上露莫把作珠穿水性本來無定  
度這邊圓了那邊圓終是不心堅

於中好

楊无咎

牆頭艷杏花初試遶珍叢細按紅蕊欲知占盡春明媚

悄無意看桃李 持盃準擬花前醉  
早一葉兩葉飛墜  
晚來旋旋深無地 更聽得東風起

二

濺濺不住溪流 素憶曾記碧桃紅  
露別來寂寞朝朝暮  
恨遮亂當時路 仙家豈解空相悞  
嗟塵世自難知處  
而今重與春為主 儘浪蕊浮花妬

江月晃重山

雪意

陸游

芳草洲前道路 夕陽樓上欄干  
碧雲何處望歸鞍  
從軍

客耽樂不思還  
洞裏仙人種玉江邊禁客滋蘭鴛鴦  
沙暖鵲鴝寒菱花晚不奈鬢毛班

初到嵩山作

元遺山

塞上秋風鼓角城頭落日旌旗少年鞍馬適相宜從軍  
樂莫問所從誰  
候騎纔通冀北先聲已動遼西歸期  
猶及柳依依春閨月紅袖不須啼

步虛詞

李衛公

仙女侍董雙成桂殿夜寒吹玉笙曲終却從仙官去萬

戶千門皆月明 河漢女玉鍊顏雲輶往往到人間  
九霄有路去無跡裊裊天風吹佩環

金錯刀

又名醉  
瑤琴

馮延巳

雙玉斗百瓊壺佳人歡飲笑喧呼麒麟欲畫時難偶  
鷗鷺何猜興不孤 歌婉轉醉模糊高燒銀燭卧流蘇只  
銷幾覺懣懣睡身外功名任有無

二

日融融草芊芊黃鶯求友啼林前柳條裊裊拖金線花

葦茸茸簇錦黏  
鳩逐婦燕穿簾  
狂蜂浪蝶翩翩春  
光堪賞還堪翫  
惱殺東風悞少年

塗值賈似道

葉李

余歸路君來路  
天理昭昭胡不悟  
公田關會竟何如  
子細思量真自誤  
雷州戶岷州戶  
人生會有相逢處  
客中邂逅之蒸羊  
聊贈一篇長短句

亭前柳

朱雍

拜月南樓上面  
嬋娟恰對新粧  
誰凭欄干處  
笛聲長追

往事遍淒涼  
看素質臨風消瘦盡粉痕輕依舊真香  
蕭灑春塵境過橫塘渡清影在回廊

二

佇立東風裏放纖手淨試梅粧眉暈輕輕畫遠山長添  
新恨更淒涼  
嘗憶驛亭人別後尋春去盡是幽香歸  
路臨清淺在寒塘同水月照虛廊

三

養就元霜圃問東君曾放瑤英回首藍橋路遍瓊城橫



斜影照人明 飄香信玉溪仙佩晚同新月步入西清  
冰質枝頭裊更輕盈分春色贈雙成

趙介之

坦菴

晚秋天過暮雨雲容歛月澄鮮正風露淒清處砌蛩喧  
更黃葉舞翩翩 念故里千山雲水隔被名韁利鎖縈  
牽莫作悲秋意對樽前且同樂太平年

鼓笛令

黃魯直

寶犀未解心先透惱殺人遠山微皺意淡言疎情最厚

枉教著作著行宮柳 小雨勒花時候抱琵琶為誰清瘦  
翡翠金籠思珍偶忽拚與山雞倂慙

金蓮遶鳳樓

宋徽宗

絳燭朱籠相隨映馳繡轂塵清香襯萬金光射龍軒瑩  
遶端門瑞雷輕振 元宵為開聖景嚴敷坐觀燈錫慶  
帝家華英乘春興褰珠簾望堯瞻舜

睿恩新

晏同叔

芙蓉一朵霜秋色迎曉露依依先折似佳人獨立傾城

傍朱檻暗傳消息 靜對西風脈脈金藥綻粉紅如滴  
向蘭堂莫厭重新免清夜微寒漸逼

二

紅絲一曲傍階砌珠露下獨呈纖麗剪鮫綃碎作香英  
粉彩線簇成嬌藥 向晚羣花新悴放朶朶似延秋意  
待佳人插向釵頭更裊裊低臨鳳髻

玉樓人

去年尋處曾持酒又還是向南枝見後宜霜宜雪精神

沒些兒風味減舊 先春似與羣芳鬪暗度香不待頻  
嗅有人笑折歸來玉纖長儘露羅袖

憶人人

密傳春信微粧曉景淡竚香苞欲綻臨風雖未吐芳心  
奈暗露盈盈粉面 何人月下一聲長笛即是飛英亂  
憑欄無惜賞芳姿更莫待傾筐已滿

二

前村滿雪難尋幽艷無奈清香漏綻烟稍霜萼出牆時

似暗妬壽陽粧面 幽香浮動無緣攀賞但只心勞魂  
亂不辭他日醉瓊姿又只恐陰成子滿

河傳

溫飛卿

湖上閒望雨蕭蕭烟浦花橋路遙謝娘翠蛾愁不銷終  
朝夢魂迷晚潮 蕩子天涯歸棹遠春已晚鴛鴦空腸  
斷若耶溪溪水西柳堤不聞郎馬嘶

二

江畔相喚曉粧鮮仙景箇女採蓮請君莫向那岸邊少

年好花新滿船  
紅袖搖曳逐風暖  
垂玉腕腸向柳絲  
斷浦南歸浦北歸  
莫知晚來人已稀

三

同伴相喚杏花稀  
夢裏每愁依違仙客  
一去燕已飛不  
歸泪痕空滿衣  
天際雲鳥引情遠  
春已晚烟靄渡南  
苑雪梅香柳帶長  
小娘轉令人意傷

李詢

去去何處迢迢已  
楚山水相連朝雲暮雨依舊十二峯

前猿聲到客船  
愁腸豈異丁香結  
因離別故國音書  
絕想佳人花下對  
明月春風恨應同

二

春暮微雨送君南浦  
愁歛雙蛾落花深處  
啼鳥似逐離歌  
粉檀珠淚和臨流  
更把同心結  
情哽咽後會何時  
節不堪回首相望已隔汀洲  
櫓聲幽

孫光憲

風颭波欽團荷閃閃珠傾露  
點木蘭舟上何處吳娃越

艷藕花紅照臉 大堤狂殺襄陽客  
烟波隔渺渺湖光  
白身已歸心不歸斜暉遠汀鷓鴣飛

二

太平天子等閒遊 戲疏河千里柳如絲  
偎倚綠波春水  
長淮風不起 如花殿脚三千女  
爭雲雨何處留人住  
錦帆風烟際紅燒空魂迷大業中

三

花落烟薄謝家池閣寂寞春深翠蛾輕  
歛意沉吟沾襟



無人知此心  
玉爐香斷霜灰冷  
簾鋪影梁燕歸紅杏  
晚來天空悄然孤眠枕檀雲髻偏

顧負

燕颺晴景小  
窻屏暖鴛鴦交頸  
菱花掩却翠鬟歌慵整  
海棠簾外影  
繡幃香斷金鸂鶒無消息  
心事空相憶  
倚東風春正濃  
愁紅泪痕衣上重

二

棹舉舟去波光渺渺不知何處  
岸花汀草共依依雨微

鷓鴣相逐飛 天涯離恨江聲咽啼猿切此意向誰說  
艤棹橈獨無憀魂銷小鑪香欲焦

韋莊

何處烟雨隋堤春暮柳色蔥蘢畫橈金縷翠旗高颭香  
風水光融 青娥殿脚春粧媚輕雲裏綽約司花妓江  
都宮闕清淮月映迷樓古今愁

二

春晚風暖錦城花滿狂殺遊人玉鞭金勒尋勝馳驟輕

塵惜良晨 翠娥爭勸臨卣酒纖纖手拂面垂絲柳歸  
時烟裏鐘鼓正是黃昏暗銷魂

三

錦浦春女繡衣金縷霧薄雲輕花深柳暗時節正是清  
明雨初晴 玉鞭魂斷烟霞路鶯鶯語一望巫山雨香  
塵隱映遙見翠檻紅樓黛眉愁

顧夏

曲檻春晚碧流紋細柳楊絲軟露花鮮杏枝繁鶯囀野

蕪平似剪 直是人間到天上  
堪遊賞醉眼疑屏障對  
池塘惜韶光斷腸為花須盡狂

閨選

秋雨秋雨無晝無夜  
滴滴霏霏暗燈涼簟怨分離  
妖姬不勝悲 西風稍急  
喧窻竹停又續膩臉懸雙玉  
幾迴邀約鴈來時  
違期鴈歸人不歸

張泌

渺莽雲水惆悵暮帆去程  
迢遞夕陽芳草千里萬里鴈

聲無限起 夢魂悄斷烟波裏心如醉相見何處是錦  
屏香冷無睡被頭多少泪

二

紅杏交枝相映密密濛濛一庭濃豔倚東風香融透簾  
櫳 斜陽似共春光語蝶爭舞更引流鶯妬魂銷千片  
玉鐏前神仙瑤池醉暮天

薛昭蘊

秋光滿目風清露白蓮紅水綠何處夢迴弄珠拾翠盈

盈倚蘭橈眉黛蹙 採蓮調穩聲相續  
吳兒伴侶倚棹  
吳江曲驚起暮天幾雙交頸鴛鴦入蘆花深處宿

美人

柳耆卿

淮岸漸晚園荷向背芙蓉深淺仙娥畫舸露影紅芳交  
亂難分花與面 採多乍覺輕舸滿呼歸伴急漿烟村  
遠隱隱棹歌漸被蒹葭遮斷曲終人不見

秦少游

恨眉醉眼甚輕輕覩著神魂迷亂常記那回小曲闌干

西畔鬢雲鬆羅襪刻 丁香笑吐嬌無限語軟聲低道  
我何曾慣雲雨未諧早被東風吹散悶損人天不管

呂聖求

斜紅照水似晴空萬里明霞相倚  
遂伴笑歌小立綠槐陰裡  
諠沒些春風味  
紛紛覩著閒桃李  
淺淺深深不  
滿遊人意  
幽艷一枝向晚重簾深閉  
是青君愛惜底

妓行四者

雙花對植似黃封和了龍香難敵

四和香

悶把琵琶試把

么絃輕輕算行家纔認得

四行家

朱窩戲捻骰兒擲

朱窩四隻

骰子賭名

惟有燒盆貢采偏難覓

四隻滿江紅名燒盆貢采

常把那目字

橫書謝三娘全不識

俗云謝三娘不識四字罪字頭

夜行船

歐陽永叔

滿眼東風飛絮催行色短亭春暮落花流水草連雲看  
看是斷腸南浦檀板未終人去去扁舟在綠楊深處  
手把金尊難為別更那堪亂鴛疎雨

別情

謝希深

絳



昨夜佳期初共鬢雲低翠翹金鳳尊前和笑不成歌意  
偷轉眼波微送 草草不容成楚夢漸寒深翠簾霜重  
相看送到斷腸時月西斜畫樓鍾動

餘英溪泛舟

毛滂

弄水餘英溪畔綺羅香日遲風慢桃花春浸一篙深畫  
橋東柳低烟遠 漲綠流紅空滿眼倚蘭橈舊愁無限  
莫把鴛鴦驚飛去要歌時少低檀板

楊无咎

怪被狂風相誤落輕帆  
暫停烟渚桐樹陰森茅簷滿  
灑元是那回來處  
相與狂朋沽醪醕聽吳姬隔窓言語  
我既痴迷君還留意明日慢移船去

孫浩然

何處採菱歸暮隔宵烟  
菱歌輕舉白蘋風清月華寒影  
朦朧半和梅雨  
脈脈相逢心似許扶蘭棹黯然凝竚  
遙指前村隱隱烟樹含情背人歸去

蒲江

暖入新梢風又起  
秋千外霧縈絲  
細鳩侶寒輕燕  
泥香  
重人在杏花窻  
裡  
十二銀屏山  
四倚春醪困  
共篝沉  
水却說當時柳  
啼花怨魂夢  
為君迢遞

梁州令

柳耆卿

夢覺紗幮曉  
殘燈掩然空照  
因思人事苦  
縈牽離愁別  
恨無限何時了  
憐深定是心腸  
小  
往往成煩惱  
一生  
惆悵情多感  
月不長圓  
春色易為老

東堂石榴

歐陽永叔

翠樹芳條颭灼灼裙腰初染佳人攜手弄芳菲綠陰紅  
影共展雙紋簾 插花照影窺鸞鑑只恐芳容減不堪  
零落春晚青苔雨後深紅點

二

一去門閒掩重來却尋朱檻離離秋實弄輕霜嬌紅脈  
脈似見燕脂臉 人非事往空眉歛誰把佳期賺芳心  
只願長依舊春風更放明年艷

小山

莫唱陽關曲淚濕當年金縷離歌自古最銷魂于今更  
在銷魂處南樓楊柳多情緒不繫行人住人情切似  
飛絮悠揚便逐春風去

鷓鴣天

一名思佳客剪朝霞醉梅花思越人

永叔

學畫宮眉細細長芙蓉出水圖新粧只知一笑能傾國  
不信相看有斷腸雙黃鵠兩鴛鴦迢迢雲水恨難忘  
早知今日長相憶不及從初莫作雙

輦路聞車中美人呼歐九醜面漢

寶轂雕輪狹路逢一聲腸斷秀幃中身無彩鳳雙飛翼  
心有靈犀一點通金作屋玉為籠車如流水馬如龍  
劉郎已恨蓬山遠更隔蓬山十萬重

晏叔原

彩袖慙慙捧玉鍾當年拚却醉顏紅舞低楊柳樓心月  
歌盡桃花扇影風從別後憶相逢幾回魂夢與君同  
今宵剩把銀缸照猶恐相逢是夢中

三

陌上濛濛殘絮飛  
杜鵑花裡杜鵑啼  
年年底事不歸去  
怨月愁烟長為誰  
梅雨細曉風微  
倚樓人聽欲沾衣  
故園三度羣花謝  
曼倩天涯猶未歸

柳耆卿

吹破殘烟入夜風  
一軒明月上簾櫳  
因驚路遠人還遠  
縱得心同寢未同  
情脈脈意忡忡  
碧雲歸去認無蹤  
只應曾向前生裏  
愛把鴛鴦兩處籠

妓館

東坡

笑撚紅梅蹕翠翹揚州十里最妖嬈夜來綺席新曾見  
撮得精神滴滴嬌嬌後眼舞時腰劉郎幾度欲魂消  
明朝酒醒知何處腸斷雲間碧玉簫

春閨

秦少游

枝上流鶯和淚聞新啼痕間舊啼痕一春魚鳥無消息  
千里關山勞夢魂無一語對芳樽安排腸斷到黃昏  
甫能炙得燈兒了雨打梨花深閉門

黃山谷



節去蜂愁蝶不知曉庭環繞折殘枝自然今日人心別  
未必秋香一夜衰無閒事即芳期菊花須插滿頭歸  
宜將酩酊酬佳節不用登臨送落暉

重九集句

塞鴈初來秋影寒霜林風過葉聲乾龍山落帽十年事  
我對西風猶整冠蘭委佩菊堪食人情世事半悲歡  
但將酩酊酬佳節更把茱萸子細看

又

西塞山邊白鳥飛  
桃花流水鱖魚肥  
朝廷尚覓玄真子  
何處如今更有詩  
青箬笠綠簑衣  
斜風細雨不須歸  
人間底事風波險  
一日風波十二時

和韓持國瑞鷗鵠

范純仁本集

臘後春前暖律催  
日和風軟欲開梅  
公方結客尋佳景  
我亦忘形起酒杯  
添歌管續尊罍  
更闌燭短未能回  
清歡莫待相期約  
乘興來時便可來

淚

小說

碎似真珠顆顆停清如秋露臉邊傾酒時點盡湘江竹  
感處曾摧數里城思薄倖憶多情玉纖彈處暗銷魂  
有時看了鮫綃上無限新痕壓舊痕

李元膺

寂寞秋千兩繡旗日長花影轉階遲燕驚午夢迴遮語  
蝶困春遊落托飛思往事入顰眉柳梢陰重又當時  
薄情風絮難拘束飛過東牆不肯歸

賀方回

悵悵離亭斷綵襟  
碧雲明月兩關心  
幾行書尾情何限  
一尺裙腰瘦不禁  
遙夜半曲房深  
有時昵語話如今  
侵窻冷雨燈生暈  
汨濕羅牋楚調吟

過湖陰席上贈妓

蘇養直

梅妬晨粧雪妬輕  
遠山依約學眉青  
樽前無復歌金縷  
夢覺空餘月滿林  
魚與鴈兩浮沉  
淺顰微笑總關心  
相思恰似江南柳  
一夜春風一夜深

石孝友

收拾眉尖眼尾情  
當筵相見便相親  
偷傳翡翠歌中意  
暗合鴛鴦夢裏身  
雲態度月精神  
月流雲散兩無情  
覺來一枕淒涼恨  
不敢分明說向人

二

收拾眉尖眼尾情  
夜來真箇夢傾城  
鴛鴦有底情難盡  
蝴蝶無端夢易驚  
愁一掬月三更  
綉幃應好睡輕盈  
知他莫有相憐分  
展轉尋思直到明

陳子高

芳樹陰陰脫晚紅，餘香不斷玉釵風。  
薄情夫婿花相似，一片西飛一片東。  
金翡翠，繡芙蓉，從教纖媚笑牀空。  
揉藍衫子休無賴，只與離人結短封。

陳瑩中

宜笑宜顰掌上身，能歌能舞惡精神。  
臉邊紅入桃花嫩，眉上青歸柳葉新。  
嬌不語，易生嗔，尊前還是一番春。  
深杯百罰重拚却，只為妖嬈醉得人。

自述

朱希真

我是清都山水郎  
天教分付與誰狂  
曾批給雨支風券  
屢上留雲借月章  
詩萬首酒千觴  
幾曾著眼看侯王  
玉樓金闕慵歸去  
且插梅花醉洛陽

無名氏

擬上高樓欲散愁  
奈愁隨我上高樓  
經行眼底青山徧  
點檢簪邊白髮稠  
歸去去休休  
不成人總待封侯  
蒼烟起處孤雲白  
人若如雲儘自由

毛桀

別後應憐信息疎  
西風幾度到庭梧  
夜來縱有鴛鴦夢  
春去空餘蛺蝶圖  
烟樹遠塞鴻孤  
垂垂天影帶平蕪  
憑誰寫此相思曲  
寄與馮川鄭小奴

上元

向伯恭

紫禁烟花一萬重  
鼇山宮闕隱晴空  
玉皇端拱彤雲上  
人物嬉遊陸海中  
星轉斗駕回龍五  
侯池館醉春風  
而今白髮三千丈  
愁對寒燈數點紅

秋意

辛幼安



枕簟溪堂冷欲秋。斷雲依水晚來收。紅蓮相倚深如怨。  
白鳥無言定自愁。書咄咄，且休休。一丘一壑也風流。  
不知筋力衰多少，但覺新來懶上樓。

石次仲

家住東湖湖上頭。別來風月為誰留。落霞孤鶩齊飛處。  
南浦西山相對愁。真了了，好休休。莫教辜負菊花秋。  
浮雲富貴何須羨。畫餅聲名肯浪求。

二

一別音塵兩杳然不堪虛度菊花天驚秋遠鴈橫斜字  
噪晚哀蟬斷續絃好將息惡因緣涼宵如水復如年  
夢魂不怕風波險飛過江西阿那邊

三

屏幃重重翠幕遮蘭膏烟暖篆香斜相思樹上雙栖翼  
連理枝頭並蒂花歌鳳髻鞦韆烏紗雲慵雨困興無涯  
箇中贏得平生事免走烏飛一任他

旅中中秋

露葉披殘露顆搏明星著地月流天不辭獨賞窮今夜  
應為相逢憶去年 辜窈窕負嬋娟誰知兩處照孤眠  
姮娥不怕離人怨有甚心情獨自圓

和伯可

曾覲

桃李飄零春已深可憐輕負惜花心樽前賴有紅千疊  
窗外休驚綠滿林 燈灼灼醉沉沉笙歌叢裏酒頻斟  
留歡且莫匆匆去悵望春歸何處尋

趙寶文

未有年光好破瓜綠珠嬌小翠鬟了清肌瑩骨能香玉  
艷質英姿解語花釵插鳳鬢堆鴉舞腰春柳愛風斜  
有時馬上人爭看擘破紅窻新絳紗

思遠人

趙德麟

素玉朝來有好懷一枝梅粉照人開晴雲欲向盃中起  
春色先從臉上來深院落小樓臺玉盤香篆看徘徊  
須知月色撩人恨數夜春寒不下堦

張安國

日日青樓醉夢中不知樓外已春濃杏花未遇疎疎雨  
楊柳初搖短短風扶畫鷁躍花驄湧金門外小橋東  
行行又入笙歌裏人在珠簾第幾重

情景

洪空同

意態嬋娟畫不如瑩然初日照芙蓉笑捐瓊佩遺交甫  
肯把文梭擲幼輿花上蝶水中鳬芳心密意兩相於  
情知不作庭前柳到得秋來日日疎

別意

嚴仁

行盡春山春事空  
別愁離恨滿江東  
三更鼓潤官樓雨  
五夜燈殘客舍風  
寒淡淡曉朧朧  
黃雞催斷丑時鐘  
紫駟嚼勒金銜響  
衝破飛花一道紅

陸務觀

家住東吳近帝鄉  
平生豪舉少年場  
十千沽酒青樓上  
百萬呼盧錦瑟傍  
身易老恨難忘  
尊前贏得是淒涼  
君歸為報京華舊  
一事無成兩鬢霜

段克己

千尺長虹下飲溪兩山環合翠屏圍非魚定不知魚樂  
得鹿還生失鹿悲花藹藹絮霏霏東風不染鬢邊絲  
百川尚有西流日一老曾無却少時

此溪西  
溪故也

段成已

豪氣消磨百尺樓憂來一日抵三秋故人落落晨星少  
新塚累累塞草稠思往事去悠悠夕陽回首忽西流  
葉聲徧入愁人耳聲本無心人自愁

壬辰豫章惠月佛閣

趙介之

烟靄空濛江上春夕陽芳草渡頭情飛紅已逐東風遠  
嫩綠還因夜雨深情脈脈思沉沉捲簾愁與暮雲平  
闌干倚徧東西曲杜宇一聲腸斷人

集句

趙獻之

中州

十頃平波溢岸青草香沙暖水雲晴輕衫短帽垂楊裏  
楚潤相看別有情揮彩筆倒銀餅花枝照眼句還成  
老來漸減金釵興回施春光與後生

集句

鄭明舉



欲把長繩繫日難紛紛從此見花殘休將世事兼身事  
須看人間比夢間紅燭繼艷歌闌等閒留客却成歡  
勸君更盡一杯酒贏得浮生半日閒

車中

紫陌朱輪去似流丁香初結小銀鈎凭闌試問秦樓路  
瞥見纖纖十指柔金約腕玉搔頭儘教人看却佯羞  
欲題紅葉無流水別是桃源一段愁

離別

鎮日無心掃黛眉臨行愁見理征衣樽前祇恐傷郎意  
閣淚汪汪不敢垂停寶馬捧瑤卮相斟相勸忍分離  
不如飲待奴先醉圖得不知郎去時

集曲名

朱子厚

翰

燭影搖紅玉漏遲鵲橋仙子下瑤池傾盃樂處笙歌沸  
蘇幙遮闌笑語隨醉落魄阮郎歸傳言玉女步輕移  
鳳凰臺上深深願一日和鳴十二時

李易安

寒日蕭蕭上鎖窗  
梧桐應恨夜來霜  
酒闌更喜團茶苦  
夢斷偏宜瑞腦香  
秋已盡日猶長  
仲宣懷遠更淒涼  
不如隨分尊前醉  
莫負東籬菊蕊黃

春溪

朱淑真

獨倚闌干晝日長  
紛紛蜂蝶鬪輕狂  
一天飛絮東風惡  
滿路桃花春雨香  
當此際意偏傷  
萋萋芳草傍池塘  
千鍾尚欲偕春醉  
幸有荼蘼與海棠

寄李之問

聶勝瓊

京師名妓

玉慘花愁出鳳城蓮花樓下柳青青清樽一曲陽關後  
別箇人人第五程 尋好夢夢難成況誰知我此時情  
枕前淚共芭蕉雨隔箇窗兒滴到明

張東父

寬盡香羅金縷衣心情不似舊家時萬絲柳暗才飛絮一  
點梅酸已著枝 金底背玉東西前歡贏得兩相思傷  
心不及風前燕猶解穿簾度幕飛

閨思

馬莊父

睡鴨徘徊煙縷長日高春困不成粧步歌草色金蓮潤  
撚斷花鬚玉筍香輕洛浦笑巫陽錦紋新織寄檀郎  
兒家閉戶藏春色戲蝶游蜂不敢狂

茶瓶兒

悼亡

李元膺

去年相逢深院宇海棠下曾歌金縷歌罷花如雨翠羅  
衫上點點紅無數今歲重尋攜手處空物是人非春  
暮回首青門路亂紅飛絮相逐東風去

芳草渡


馮延巳

梧桐落蓼花秋烟初冷雨纔收蕭條風物正堪愁人去  
後多少恨在心頭 燕鴻遠羌笛悠悠渺渺澄波一片山  
如黛月如鉤笙歌散夢魂斷倚高樓

張子野

雙門曉鎖響朱扉千騎擁萬人隨風鳥弄影畫船移歌  
時泪和別怨作秋悲 寒潮小渡淮遲吳越路漸天涯  
宋玉臺上為相思江雲下日西盡雁南飛

主人宴客玉樓西  
風飄雪忽零霏  
唐昌北花藥漸平枝  
浮光裡寒聲聚隊禽  
栖驚曉日喜春遲  
野橋時伴梅飛  
山明日遠霽雲披  
溪上月堂下水併春輝



花草粹編卷十



欽定四庫全書

集部

花草粹編卷十一

詳校官編修

臣周瓊

侍讀

臣

孫球覆勘

總校官檢討

臣

何思鈞

校對官助教

臣

石鴻漸

謄錄監生

臣

沈錫爵

欽定四庫全書

花草粹編卷十一

明 陳耀文 輯

小令

玉樓春

春暮

溫飛卿

家臨長信往來道  
乳燕雙雙拂煙草  
油壁車輕金犢肥  
流蘇帳曉春難報  
籠中嬌鳥暖猶睡  
簾外落花閒不掃  
衰桃一樹近前池  
似惜容顏鏡中老

春睡

歐陽炯

日照玉樓花似錦樓上醉和春色寢綠楊風送小鶯聲  
殘夢不成離玉枕堪愛晚來韶景甚寶柱秦箏方再  
品青蛾紅臉笑來迎又向海棠花下飲

顧夐

月照玉樓春漏促颼颼風搖庭砌竹夢驚鴛被覺來時  
何處管絃聲斷續惆悵少年遊冶去枕上兩蛾攢細  
綠曉鶯簾外語花枝背帳猶殘紅蠟燭

二

柳映玉樓春日晚  
雨細風輕煙草軟  
畫堂鸚鵡語雕籠  
金粉小屏猶半掩  
香滅繡幃人寂寂  
倚檻無言愁思遠  
恨郎何處縱疎狂  
長使含啼眉不展

三

拂水雙飛來去燕  
曲檻小屏山六扇  
春愁凝思結眉心  
綠綺懶調紅錦薦  
話別情多聲欲顫  
玉筯痕留紅粉面  
鎮長獨立到黃昏  
却怕良宵頻夢見

魏承班

寂寂畫堂梁上燕高卷翠簾橫數扇一庭春色惱人來  
滿地落花紅幾片愁倚錦屏低雪面淚滴繡羅金縷  
線好天涼月盡傷心為是玉郎長不見

與花蕊夫人夜起

避暑摩訶池上

孟景

漫叟詩話

冰肌玉骨清無汗水殿風來暗香滿簾開明月獨窺人  
歌枕釵橫雲鬢亂起來瓊戶啟無聲時見疎星渡河  
漢屈指西風幾時來只恐流年暗中換

李後主

晚粧初了明肌雪春殿嬪娥魚貫列笙歌吹斷水雲閒  
重按霓裳歌遍徹臨春誰更飄香肩醉拍闌干情未  
切歸時休照燭花紅待放馬蹄清夜月

春景

晏同叔

集無

綠楊芳草長亭路年少拋人容易去樓頭殘夢五更鐘  
花外離愁三月雨無情不似多情苦一寸還成千萬  
縷天涯地角有窮時只有相思無盡處

詩眼云晏叔原見蒲傳正云先公平日小詞雖多未  
嘗作婦人語傳正云綠楊芳草長亭路年少拋人容  
易去豈非婦人語乎晏曰公謂年少為何語傳正曰  
豈不謂其所欲乎晏曰因公言遂曉樂天詩兩句欲  
留所歡待富貴富貴不來所  
歡去傳正笑而悟其言之失

晏叔原

雕鞍好為鶯花住占取東城南陌路儘教春思亂如雲  
莫管世情輕似絮古來多被虛名誤寧負虛名身莫  
負勸君頻入醉鄉來此是無愁無恨處

二

東風又作無情計，艷粉嬌紅吹滿地。  
碧樓簾影不遮愁，還是去年今日意。  
誰知錯管春殘事，到處登臨曾費  
淚。此時金盞直須深看，盡落花能幾醉。

三

當年信道情無價，桃葉尊前論別夜。  
臉紅心緒學梅粧，睂翠工夫如月畫。  
來時醉倒旗亭下，知是阿誰扶上  
馬。憶曾挑盡五更燈，不記臨時多少話。

永叔



風遲日媚煙光好綠樹依依芳意早年華容易即凋零  
春色只宜長恨少池塘隱隱驚雷曉柳眼未開梅萼  
小樽前貪愛物華新不道物新人漸老

二

春山斂黛低歌扇暫解吳鉤登祖宴畫樓鐘動已魂銷  
何況馬嘶芳草岸青門柳色隨人遠望欲斷時腸已  
斷洛城春色待君來莫到落花飛似霰

三

洛陽正值芳菲節，穠艷清香相間發。  
游絲有意苦相縈，垂柳無端爭贈別。  
杏花紅處青山缺，山畔行人山下歇。  
今宵誰肯遠相隨，惟有寂寥孤館月。

四

殘春一夜狂風雨，斷送紅飛花落樹。  
人心花意待留春，春色無情容易去。  
高樓把酒愁獨語，借問春歸何處所。  
暮雲空闊不知音，惟有綠楊芳草路。

五

蝶飛芳草花飛路把酒已嗟春色暮當時枝上落殘花  
今日水流何處去樓前獨遠鳴蟬樹憶把芳條吹暖  
絮紅蓮綠艾亦芳菲不奈金風兼玉露

六

別後不知君遠近觸目淒涼多少悶漸行漸遠漸無書  
水闊魚沉何處問夜深風竹敲秋韻萬葉千聲皆是  
恨故歌單枕夢中尋夢又不成燈又燼

七

珠簾半下香銷印二月東風催柳信琵琶傍畔且尋思  
鸚鵡前頭休借問驚鴻過後生離恨紅日長時添酒  
困未知心在阿誰邊滿眼泪珠言不盡

八

湖邊柳外樓高處望斷雲山多少路欄干倚遍使人愁  
又是天涯初日暮輕無管繫狂無數水畔花飛風裏  
絮算伊渾似薄情郎去便不來來便去

九

東風本是開花信及至花時風更緊吹開吹謝苦慙慙  
春意到頭無處問把酒臨風千萬恨欲埽殘紅猶未  
忍夜來風雨轉離披滿眼淒涼愁不盡

妓館

妖冶風情天與措清瘦肌膚冰雪妬百年心事一宵同  
愁聽雞聲牕外度信阻青禽雲雨暮海月空驚人兩  
處強將離恨倚江樓江水不能流恨去

宋子京

東城漸覺風光好，皺縠波紋迎客棹。  
綠楊煙外曉雲輕，紅杏枝頭春意鬧。  
浮生長恨歡娛少，肯愛千金輕一笑。  
為君持酒勸斜陽，且向花間留晚照。

劉圻父

今來古往長安道，歲歲榮枯原上草。  
行人幾度到江濱，不覺身隨楓樹老。  
蒲花易晚蘆花早，客裏光陰如過鳥。  
一般垂柳短長亭，去路不如歸路好。

海棠

王晉卿

錦城春色花無數排比笙歌留客住輕寒輕暖夾衣天  
乍雨乍晴寒食路花雖不語鶯能語莫放韶光容易  
去海棠開後月明前縱有千金無買處

長生芭蕉

仲殊

飛香漠漠簾帷暖一線水沉煙未斷紅樓西畔小欄干  
盡日倚欄人已遠黃梅雨入芭蕉晚鳳毛搖翠雙葉  
短舊年春色舊年心留到如今春不管

立春日

毛澤民

小園半夜東風轉吹破冰池雲母面曉披閭闔見朝陽  
知向碧階添幾線小煙弄柳晴光暖殘雪禁梅香尚  
淺殷勤先拂舊東君多少韶華都借看

盱眙作

長安回首空雲霧春夢覺來無覓處冷烟寒食又黃昏  
數盡一隄楊柳樹楚山照眼青無數淮口潮生催曉  
渡西風吹面立蒼茫欲寄此情無雁去

春情

贈妓  
路瑩

王履道



飛鴻只解留箏柱終寄青樓書不去手因春夢有攜時  
眼到花梢無着處 泥金小字迴文句翠袖紅裙知在  
否欲尋楚館舊時雲看取高唐臺畔路

柳耆卿

閨風岐路連銀闕曾許金桃容易竊烏龍未睡定驚猜  
鸚鵡多言防漏泄 息息縱得憐香雪窗隔殘煙簾映  
月別來也擬不思量爭奈餘香猶未歇

錢思公

城上風光鶯語亂城下煙波春拍岸綠楊芳草幾時休  
淚眼愁腸先已斷情懷漸變成衰晚鸞鏡朱顏驚暗  
換往年多病厭芳樽今日芳樽惟恐淺

思公謫漢東日每酒闌歌此軌泣下有鄧王老姬驚  
鴻云先王將薨成挽歌木蘭花引綿為送相公其將  
亡乎果卒隋州鄧王曲有帝鄉煙鎖春愁  
故國山川空泪眼之句出侍兒小名錄

周美成

當時攜手城東道月墮簷牙人睡了酒邊難使客愁驚  
帳底不教春夢到別來人事如秋草應有吳霜侵翠

葆夕陽深鎖綠苔門一任盧郎愁裏老

二

桃溪不作從容住秋藕絕來無續處當時相俟赤闌橋  
今日獨尋黃葉渡 煙中列岫青無數雁背夕陽紅欲  
暮人如風後入江雲情似雨餘粘地絮

游寒溪改樂天詩

郭生

志林

鳥啼鵲噪昏喬木清明寒食誰家哭風吹曠野野錢飛  
古墓累累春草綠 棠梨花映白楊樹盡是死生離別

處冥漠重泉哭不聞蕭蕭暮雨人歸去

樂天詩首句云丘墟  
郭門外寒食誰家哭

寒食

謝無逸

弄晴數點梨花雨門外畫橋寒食路杜鵑飛破草間煙  
蛺蝶惹殘花底霧東君着意憐樊素一段韶華都付  
與粧成不管露桃嗔舞罷從教風柳妬

杜郎中

風解池冰蟬翅薄庭樹枯枝翻翠萼背寒迎暖起偏慵

閒捲珠簾凭畫閣 晴景融融煙漠漠天際行人乖信  
約病客先怕見春來長到恁時添瘦削

郭承禧

怱怱相遇怱怱去恰似當初元未遇生憎黃土嶺頭塵  
強學章臺街裡絮 雨荒三徑雲迷路總是離人堪恨  
處從今對酒與當歌空惹離情千萬緒

石次仲

小桃破盡風前萼草草年華閒過却十分清瘦有誰知

一點相思無處着  
書憑雁字應難託  
花與泪珠相對  
落萬紅千翠儘  
春光若比此情猶自薄

康伯可

青牋後約無憑據  
誤我碧桃花下語  
誰將消息問劉郎  
悵望玉溪溪上路  
春來無限傷情緒  
擬欲題詩都付  
與東風吹落一庭花  
手把新愁無寫處

侯彥周

市橋燈火春星碎  
街鼓催歸人未醉  
半嗔還笑眼回波

欲去更留眉斂翠  
歸來短燭餘紅淚  
月淡天高梅影  
細北風休遣雁南來  
斷送不成今夜睡

春思

嚴次山

春風只在園西畔  
薺菜花繁蝴蝶亂  
冰池晴綠照還空  
香徑落紅吹已斷  
意長翻恨遊絲短  
盡日相思羅帶  
緩寶奩明月不欺人  
明日歸來君試看

紅梅

李易安

紅酥肯放瓊瑤碎  
探着南枝開遍未  
不知蘊藉幾多香

但見包藏無限意 道人憔悴春窗底  
閒損欄干愁不倚 要來小着便來休  
未必明朝風不起

惜春容

侑浩翁即  
玉樓春

盼盼

少年看花雙鬢綠 走馬章臺絃管逐  
而今老更惜花深 終日看花花不足  
坐中美女顏如玉 為我同歌金縷曲  
歸時壓得帽簷欹 頭上春風紅簌簌

木蘭花

韋莊

獨上小樓春欲暮 愁望玉關芳草路  
消息斷不逢人却



斂細眉歸繡戶 坐看落花空歎息  
羅袂濕斑紅淚滴  
千山萬水不曾行  
魂夢欲教何處覓

魏承斑

小芙蓉香旖旎  
碧玉堂深清似水  
閉寶匣掩金鋪倚屏  
拖袖愁如醉  
遲遲好景煙花媚  
曲渚鴛鴦眠錦翅  
凝然愁望靜相思  
一雙笑靨頻香蕊

毛熙震

掩朱扉鈎翠箔  
滿院鶯聲春寂寞  
勻粉淚恨檀郎一去

不歸花又落 對斜暉臨小閣前事豈堪重想着金帶  
冷畫屏幽寶帳慵薰蘭麝薄

賈子明

都城水綠嬉遊處僊棹往來人笑語紅隨遠浪泛桃花  
雪散平隄飛柳絮 東君欲共春歸去一陣狂風和驟  
雨碧油紅旆錦障泥斜日畫橋芳草路

晏同叔

東風昨夜回梁苑日脚依稀添一線旋開楊柳綠蛾眉

暗拆海棠紅粉面 無情一去雲中雁有意歸來梁上燕  
有情無意且休論莫向酒杯容易散

二

玉樓朱閣黃金鎖寒食清明春欲破窗間斜月兩眉愁  
簾外落花雙淚墮 朝雲聚散真無那百歲相看能幾箇  
別來將為不牽情萬轉千回思想過

晏叔原

秋千院落重簾暮彩筆閒來題繡戶牆頭丹杏雨餘花

門外綠楊花後絮 朝雲信斷知何處應作襄王春夢  
去紫騮認得舊游踪嘶過畫橋東畔路

二

風簾向曉寒成陣來報東風消息近試從梅蒂紫邊尋  
更遶柳枝柔處問 來遲不是春無信開晚却疑花有  
恨又應添得幾分愁二十五絃彈未盡

三

初心已恨花期晚別後相思長在眼蘭衾猶有舊時香

每到夢回珠泪滿 多應不信人腸斷  
幾夜夜寒誰共暖 欲將恩愛結來生  
只恐來生緣又短

西湖

永叔

西湖南北煙波闊 風裏絲篁聲韻咽  
舞餘羅帶綠雙垂 酒入香腮紅一抹  
杯深不覺琉璃滑 貪看六么花十  
八 明朝車馬各西東 惆悵畫樓風與月

賀方回木蘭詞舞腰輕怯  
絳裙長羞按築球花十八

佳人

柳耆卿

个人丰韵真堪羨問着佯羞回却面若言無意向咱行  
為甚夢中頻夢見不如及早還心願免使牽人魂夢  
亂風流腸肚不堅牢只恐被伊牽惹斷

前調

張子野

人意共憐花月滿花好月圓人又散歡情去逐遠雲空  
往事過如幽夢斷草樹爭春紅影亂一唱離聲千萬  
怨任教遲日更添長能得幾時擡眼看

和孫公素別安陸

相離徒有相逢夢門外馬蹄塵已動怨歌留待醉時聽  
遠目不堪空際送今宵風月知誰共聲咽琵琶槽上  
鳳人生無物比多情江水不深山不重

又

西湖楊柳風流絕滿縷青春看贈別牆頭簌簌暗飛花  
山外陰陰初落月秦姬穠麗雲梳髮持酒聽歌留晚  
發驪駒應亦解人情欲出重城嘶不歇

冬景

徐昌圖

沉檀煙起盤紅霧一翦霜風吹繡戶漢宮花面學梅粧  
謝女雪詩栽柳絮長垂天幕孤鸞舞旋炙銀笙雙鳳  
語紅牕酒病對寒冰永覺相思無夢處

周美成

郊園雨過金英秀風拂霜威寒入袖感君一曲斷腸歌  
勸我十分和汨酒古道塵清榆柳瘦繫馬郵亭人散  
後金宵燈盡酒醒時可惜朱顏成皓首

秦少游



秋容老盡芙蓉院，草上霜花勻似翦。  
西樓促坐酒盃深，風壓繡簾香不捲。  
玉纖慵整銀箏鴈，紅袖時籠金鴨。  
煖歲華一任委，西風獨有春紅留醉臉。

聞笛

王子武

紅樓十二闌干側，樓角暮寒吹玉簫。  
天津橋上舊曾聽，三十六宮秋草碧。  
昭華人去無消息，江上青山空晚色。  
一聲落盡短亭花，無數行人歸未得。

周紫芝

江頭雨後山如髻，催送新涼風有意。月來楊柳綠陰中，  
秋在梧桐疎影外。小牕紋簾涼如水，歲歲年年同此  
味。眼前不忍對西風，夢裏更堪追往事。

二江得書作

程正伯

別時已有重來願，誰料情多天不管。分明咫尺是青樓，  
抵死濃雲遮得遍。寄聲只倚西風雁，雁答書回空是  
怨。領愁歸去有誰知，水又茫茫山又斷。

石次仲

尋春悞入桃源洞  
草草幽懽聊與共  
牢籠風月此時情  
做造溪山今夜夢  
柳蹊未放金絲弄  
梅徑已經香雪凍  
春愁離恨重於山  
不信馬兒馳得動

王通叟

銅駝陌上新正後  
第一風流除是柳  
勾牽春事不如梅  
斷送離人強似酒  
東君有意偏擱就  
慣得腰肢真箇瘦  
阿誰道你不思量  
因甚眉頭長恁皺

春思

無名氏

柳梢綠小梅如印乍暖還寒猶未定惜花長是為花愁  
殢酒却嫌添酒病 蠅頭蝸角都休競萬古豪華同一  
盡東君曉夜促歸期三十六番花遞信

成都郭帥席上

尹溫儀

浣花溪上風光主燕夕桃源開幕府商巖本是作霖人  
也使閒花沾雨露 父兄世業傳儒素何事失身非類  
侶若蒙化筆一吹噓免使飄零飛繡戶

劉因

未開常探花開未又恐開時風雨至花開風雨不相妨  
說甚不來花下醉 百年枉作千年計今日不知明日  
事春風欲勸座中人一片落紅當眼墜

玉闌干

杜壽域

珠簾怕捲春殘景小雨牡丹零欲盡庭軒悄悄燕高空  
風飄絮綠苔侵徑 欲將幽恨傳愁信想後期無個憑  
定幾回獨睡不思量還悠悠夢裏尋趁

西湖曲

朱希真

今冬寒早風光好休怪攪先歌絮帽蟹肥一箇可秤斤  
酒美三盃真合道年少閑夢垂垂了且喜松風吹不倒  
平分兩月是新春却共梅花依舊笑

清江曲

蘇養直

墨客  
揮犀

屬玉雙飛水滿塘菰蒲深處浴鴛鴦白蘋滿棹歸來晚  
秋着蘆花一岸霜扁舟繫岸依林樾蕭蕭兩鬢吹華  
髮萬事不理醉復醒長占烟波弄明月

瑞鷓鴣

永叔

楚王臺上一神仙  
眼色相看意已傳  
見了又休還似夢  
坐來雖近遠如天  
隴禽有恨猶能說  
江月無情也解圓  
更被春風送惆悵  
落花飛絮兩翩翩

林逋詩句

梅苑

衆芳搖落獨鮮妍  
占盡風情向小園  
疎影橫斜水清淺  
暗香浮動月黃昏  
寒禽欲下先偷眼  
粉蝶如知亦斷魂  
幸有微吟可相押  
不須檀板共金樽

崔魯詩句

含情含態一枝枝斜壓漁家短短籬  
惹袖尚餘香半日向人如訴雨多時  
初開偏稱雕梁畫未落先愁玉笛  
吹行客見時無意去解帆煙浦為題詩

杜壽域

夜來風雨損餘芳數片衰紅落檻傍  
嬌景背人容易去半軒飛絮日空長  
從來不信相思切及至如今倍感  
傷獨立黃昏繡簾外可堪新月露圓光

趙介庵



榴花五月眼邊明  
角簾流冰午夢清  
江上扁舟停畫槳  
雲間一笑濯塵纓  
主人杯酒留連意  
倦客關河去住情  
都付郵亭今日水  
伴人東去到江城

辛稼軒

膠膠擾擾幾時休  
一出山來不自由  
秋水觀中秋月夜  
停雲堂下菊花秋  
隨緣道理應須會  
過分功名莫強求  
先自一身愁不了  
那堪愁上又添愁

周忘機

一痕月色掛簾櫳  
梅影斜斜小院中  
狂醉有心窺粉面  
夢魂無處避香風  
愁來夢楚三千里  
人在巫山十二重  
咫尺藍橋無問處  
玉山聲斷楚山空

席上

文迴

郭從範

傾城一笑得人留  
舞罷嬌蛾斂黛愁  
明月寶鑷金絡背  
翠瓊花珥碧搔頭  
晴雲片雪腰支嬾  
晚吹微波眼色秋  
清露亭臯芳草綠  
輕綃軟掛玉簾鉤

雙銀杏

李易安

風韻雍容未甚都樽前甘橘可為奴誰憐流落江湖上  
玉骨冰肌未肯枯誰教並蒂連枝摘醉後明皇倚太  
眞居士擘開眞有意要吟風味兩家新

京師妓

昔時曾從漢梁王濯錦江邊醉幾場拂石坐來衫袖冷  
踏花歸去馬蹄香當初酒釵寧辭醉今日愁來不易  
當暗想舊遊渾似夢芙蓉城下水茫茫

春日南園

程正伯

門前楊柳綠成陰，翠塢籠香徑自深。  
遲日煖薰芳草眼，好風輕撼落花心。  
無多春恨鶯難語，最晚朝眠蝶易尋。  
惟有狂醒不相代，釀成憔悴到如今。

陳彭年

湘山野錄

盡出花鈿散寶津，雲鬟初翦向殘春。  
因驚風燭難留世，遂作池蓮不染身。  
貝葉乍翻疑錦軸，梵聲纔學誤梁塵。  
從茲艷質歸空後，湘浦應無解佩人。

初申國長公主為尼，詔兩禁送於寺，傳宣作詩送之。彭年作此好事者能於瑞鷗鴒曲聲歌之。

欽定四庫全書

花草詩編

三

柳耆卿

天將奇艷與寒梅忽驚艷杏臘前開暗想花神巧作江南  
信鮮染胭脂細翦裁壽陽粧罷無端飲凌晨酒入  
香腮恨聽烟塢深處誰緩吹羌管逐風來絳雪紛紛落  
翠苔

二

三吳佳會古風流渭南往歲憶東遊西子方來越相功  
成去千里滄波一葉舟至今無限盈盈者盡來拾翠

芳洲最是簇簇寒村遙認南朝路晚煙收三兩人家古  
渡頭

鳳銜盃

晏同叔

青蘋昨夜秋風起無限箇露蓮相倚獨凭朱欄愁放晴  
天際空目斷遙山翠彩牋長錦書細誰信道兩情難  
寄可惜良辰好景歡娛地只恁空憔悴

二

留花不住怨花飛向南園情緒依依可惜倒紅斜白一

枝枝經宿雨又離披 憑朱檻把金卮對芳叢惆悵多  
時何況舊歡新恨阻心期滿眼是相思

相思

柳耆卿

追悔當初孤深願經年價兩成幽怨任越水吳山似屏  
如障堪遊翫奈獨自慵擡眼 賞烟花聽絃管圖歡娛  
轉加腸斷縱時辰丹青強拈書信頻頻看又爭似親相  
見

得書

有美瑤卿能染翰千里寄小詩長簡想初裝苔牋旋揮  
翠管紅窗畔漸玉箸銀鈎滿錦囊收犀軸卷常珍重  
小齋吟玩更寶若珠璣置之懷袖時時看似頓見千嬌  
面

送將歸

夏

王逐客

漫叟  
詩話

百尺清泉聲陸續映瀟灑碧梧翠竹面千步回廊重重  
簾幕小枕欹寒玉試展紋綃看畫軸見一片瀟湘凝  
綠待玉漏穿花銀河垂地月上欄干曲



鵲橋仙

永叔

月波清霽煙容明淡靈漢舊期還至鵲迎橋路接天津  
映夾岸星榆點綴雲屏未卷仙雞催曉腸斷去年情  
味多應天意不教長恁恐把歡娛容易

秦少游

纖雲弄巧飛星傳恨銀漢迢迢暗度金風玉露一相逢  
便勝却人間無數柔情似水佳期如夢忍顧鵲橋歸  
路兩情若是久長時又豈在朝朝暮暮

又席上賦

夕七

黃山谷

朱樓彩舫浮瓜沈李報答春風有幾一年樽酒暫時同  
別淚作人間曉雨 鴛鴦機錦能令儂巧也待乘槎仙  
去若逢海上白頭翁共一訪癡牛驂女

七夕

謝勉中

鈎簾借月染雲為幌花面上枝交映涼生河漢一天秋  
問此會今宵孰勝 銅壺尚滴燭龍已駕淚浥西風不  
盡明朝烏鵲到人間試說向青樓薄倖

七夕

滕魯卿

涼颼破暑清歌繁坐缺月稀星庭戶瓜華草草具杯盤  
喜共浥初筵零露天孫東處牽牛西望勸汝一杯清  
醕精靈何必待秋通為一洗朦朧今古

甲子七夕

郭承禧

金風淅淅銀河耿耿七夕如今又至人間喚作隔年期  
但只似屈伸指臂羅花列果拈針弄線等是紛紛兒  
戲巧人自少拙人多那牛女何曾管你

杜壽域

別離情緒多方開解却免厭厭似醉樓高終日倚欄干  
目斷有千山萬水 妖嬈薄媚不禁拋擲漸覺肌膚瘦  
悴當初相見偶然間不喚作如今恁地

二

日長天氣深深庭院又是春愁滋味池邊昨夜雨兼風  
戰紅杏餘香亂墜 陰陰亭榭暖煙輕柳萬縷黃金窵  
地一雙新燕却重來但暗把羅巾掩泪

趙德莊

來時夾道紅羅步障已換青絲翠羽  
春愁元自逐春來  
卻不肯隨春歸去  
千觴美酒十分幽事歸到只愁風  
雨憑誰傳語牡丹花為做取東君些主

耆舊續聞云介菴春愁元自逐春來二句蓋體李漢  
老楊花詞驀地便和春帶將歸去也辛幼安祝英臺  
近詞是他春帶愁來春歸何處却  
不解帶將愁去是又體趙詞也

夜聞杜鵑

陸務觀

茅簷人靜蓬牕燈暗春晚連江風雨  
林鶯巢燕總無聲

但月夜常啼杜宇 催成清泪驚殘孤夢又揀深枝飛

去故山猶自不堪聽况半世飄然羈旅

中秋待月不至

金主亮

程史

停盃不舉停歌不發等候銀蟾出海片雲何處忽飛來  
做許大通天障礙 愁眉怒目星移斗轉懊惱劒鋒不  
快一揮一斷此陰霾此夜看嫦娥體態

秋月寄懷

程正伯

角聲吹月風聲落枕夢與柔腸俱斷誰教當日太情濃

颺不下新愁一段  
黃花開了梅花開未曾約那時相  
見莫教容易負幽期怕真箇辜他淚眼

召侯君餞會

舒信道

教來歌舞接成桃李盡是使君指似如今裝就滿城春  
忍便擁雙旌歸去  
鴛心巧嚙花心爭吐無計可留君  
住兩隄芳草一江雲早晚是西樓望處

寄李順妹

延安夫人

星移斗轉玉蟾西下漸覺東郊向曉馬嘶人語隔霜林

望千里長安古道 珠宮姊妹相逢方信別後十分瘦  
了上林歸去正花時爭奈向花前又老

七夕

朱淑真

巧雲弄晚西風驚暑小雨番空月墜牽牛織女幾經秋  
尚多少離腸恨淚 微涼入袂幽歡生坐天上人間滿  
意何如暮暮與朝朝更改却年年歲歲

郡齋席賦謝元卿姓

嚴幼芳

碧梧初墜桂香才吐池上水花微謝穿針人在合歡樓



正月露玉盤高瀉 蛛忙鵲懶耕慵織倦空作古今佳  
話人間剛道隔年期怕天上方纔隔夜

答放翁自解

放翁妓

齊東野語

說盟說誓說情說意動便春愁滿紙多應念得託空經  
是那箇先生教的 不茶不飯不言不語一味供他憔悴  
相思已是不曾閒又那得工夫咒你

七夕

箕仙

齊東野語

鸞輿初駕牛車齊發隱隱鵲橋咿軋尤雲殢雨正歡濃

但只怕來朝初八 霞垂彩幔月明銀燭馥郁香噴金  
鴨年年此際一相逢未審是甚時結煞

南鄉子

馮延巳

細雨濕流光芳草年年與恨長煙鎖鳳樓無限事茫茫  
鸞鏡鴛衾兩斷腸 魂夢任悠揚睡起楊花滿繡床薄  
倖不來門半掩斜陽負你殘春淚幾行

二

細雨泣秋風金鳳花殘滿地紅閒促黛眉慵不語情緒

寂寞相思知幾許 玉枕擁衾挹恨還聞歲月深簾  
卷曲房誰共醉 憔悴惆悵秦樓彈粉泪

永叔

翠密紅繁水國涼 生未是寒雨打荷花珠不定輕翻冷  
潑鴛鴦錦翅斑 盡日凭欄弄藻拈花子細看偷得裏  
蹄新鑄樣無端藏在紅房艷粉間

二

雨後斜陽細細風來細細香風定波平花映水休藏照

出輕盈半面粉 路隔秋江蓮子深深隱翠房意在蓮  
心無問處難忘泪裏紅腮不記行

晏叔原

淥水帶青潮水上朱欄小渡橋橋上女兒雙笑靨妖嬈  
倚着欄干弄柳條 月夜落花朝減字偷聲按玉簫柳  
外行人回首處迢迢若比銀河路更遙

二

花落未消悲紅蕊明年又滿枝惟有花間人別後無期

水闊山長雁字遲  
今日最相思  
記得攀條話別離  
共說春來春去事  
多時一點愁心入翠睂

三

新月又如睂  
長笛誰教月下吹  
樓倚暮雲初見雁南飛  
謾道行人雁後歸  
意欲夢佳期  
夢裡關山路不知  
却待短書來  
破恨應遲還是涼生玉枕時

王介甫

自古帝王州  
鬱鬱蔥蔥佳氣浮  
四百年來如一夢  
堪愁

晉代衣冠成古邱 繞水恣行游上盡層城更上樓往  
事悠悠君莫問回頭檻外長江空自流

大卿榮謹

江上野梅芳粉色盈盈照路傍閒折一枝和雪嗅思量  
似箇人人玉體香 特地起愁腸此恨誰人與寄將山  
館寂寥天欲暮淒涼人轉迢迢路轉長

張子野

何處可魂銷京口終朝兩信潮不管離心千疊恨滔滔

催促行人動去橈  
記得舊江皋  
綠楊輕絮幾條條  
春水一篙殘照闊  
遙遙有箇多情立畫橋

蘇子瞻

霜降水痕收  
淺碧粼粼露遠洲  
酒力漸消風力軟  
颼颼破帽多情却戀頭  
詩酒若為酬  
但把清尊斷送秋  
萬事到頭都是夢  
休休明日黃花蝶也愁

二

寒雀滿疎籬  
爭抱寒柯看玉蕤  
忽見客來花下坐  
驚飛

踏散芳英落酒卮  
痛飲又能詩  
坐客無羶醉不知  
花謝酒闌春到也  
離離一點微酸已着枝

美女半身

秦少游

妙手寫微眞  
水翦雙眸點絳唇  
疑是昔年窺宋玉  
東鄰只露牆頭一半身  
往事已酸辛  
誰記當年翠黛頻  
盡道有些堪恨處  
無情任是無情亦動人

黃山谷

黃菊滿東籬  
與客攜壺上翠微  
已是有花兼有酒  
良期



不用登臨怨落暉  
滿酌不須辭  
莫待無花空折枝  
寂寞酒醒人散後  
堪悲節去蜂愁蝶不知

重陽宴集

諸將說封侯  
短笛長歌獨倚樓  
萬事盡隨風雨去  
休休戲馬臺南金絡頭  
催酒莫遲留  
酒味今秋似去秋  
花向老人頭上笑  
羞羞白髮簪花不解愁

周美成

晨色動粧樓  
短燭熒熒悄未收  
自在開簾風不定  
颼颼

池面冰漸趁水流  
早起怯梳頭  
欲綰雲鬟又却休  
不會沈吟思底事  
凝眸兩點春山滿鏡愁

呂濱老

燕子喚春歸  
夢逐楊花滿院飛  
吹過西家人不見  
依依萍點荷錢又滿池  
屈指數佳期  
何日憑肩對展睂  
傾盡十分應不醉  
遲遲可惜櫻桃杏子時

謝無逸

淺色染春衣  
衣上雙雙小雁飛  
袖捲藕絲寒玉瘦  
彈碁

贏得花前酒一卮  
冰雪染臙脂  
絳蠟香融落日西  
唱徹陽關人欲去  
依依醉眼橫波翠黛低

吳大年

江上雪初消  
暖日晴煙弄柳條  
認得裙腰芳草路  
魂銷曾折梅花過  
斷橋潘鬢為誰彫  
長恨金闥閉阿嬌  
遙想晚粧呵手罷  
天饒更傍朱唇映玉簫

程正伯

幾日訴離樽  
歌盡陽關不忍分  
此度天涯真箇去  
銷魂

相送黃花落葉村  
斜日又黃昏  
蕭寺無人半掩門  
今夜粉香明日泪  
休論只要羅巾記舊痕

冬懷

黃叔暘

萬籟寂無聲  
衾鐵稜稜近五更  
香斷燈昏吟未穩  
淒清只有霜華伴月明  
應是夜寒凝  
惱得梅花睡不成  
我念梅花花念我  
關情起看清冰滿玉鉶

曾覲

霜月晚雲收  
蕭瑟西風滿  
院秋雅會難期  
嗟易散遲留

把酒聽歌且勸酬 萬事拚悠悠只有情親意未休後  
夜扁舟煙浪裏回頭葉葉丹楓總是愁

送朱元晦與張敬夫邢少連同集 張于湖

江上送歸船風雨排空浪拍天賴有清尊澆別恨悽然  
寶燭燒花看汲川 楚舞對湘絃煖響圍春錦帳擅坐  
上定知無俗客懷賢便是朱張與少連

集句

趙德莊

窗戶映朝光花氣渾如百和香即遣花飛深造次茫茫

曲渚飄成錦一張  
相憶莫相忘  
並蒂芙蓉本自雙  
草色連雲人去住  
堪傷海上尖峰似劍鉞

妓館

潘庭堅

生怕倚闌干  
閣下溪聲閣外山  
惟有舊時山共水依然  
暮雨朝雲去不還  
應是躡飛鸞  
月下時時整珮環  
月又漸低霜又下  
更闌折得梅花獨自看

辛幼安

隔戶語春鶯  
纔挂簾兒斂袂行  
漸見凌波羅襪步盈盈

隨笑隨顰百媚生  
着意聽新聲盡是司空自教成  
今夜酒腸難道窄多情莫放紗籠蠟炬明

蔣捷

泊雁小汀洲冷淡湔裙水漫秋  
裙上唾花無處覓重游  
隔柳惟存月半鉤  
準擬架層樓望得伊家見始休還  
怕粉雲天畔起悠悠化作相思一片愁

談藪

洪邁被拘留稽首垂哀告彼酋  
七日忍饑猶不耐堪羞

蘇武爭禁十九秋 厥父既無謀厥子安能解國憂萬

里歸來誇舌辯村牛好擺頭時便擺頭

蓋洪好擺頭也

洪景廬奉使其父忠宣嘗薦之為北主因辱而歸太學諸生作詞誚之

陸務觀

早歲入皇州樽酒相逢盡勝流三十年來真一夢堪愁  
客路蕭蕭兩鬢秋蓬嶠偶重遊不待人嘲我自羞看  
鏡倚樓俱已矣扁舟月笛煙蓑萬事休

閨情

孫夫人



曉日壓重簾斗帳春寒起未忺天氣困人梳洗懶眉尖  
淡畫春山不喜添閒把繡絲撚認得金針又倒拈陌  
上遊人歸也未厭厭滿院楊花不捲簾

惜雙雙

冒雪披風開數點萬花壓欺寒探暖掩映閒庭院月下  
疎影橫斜幽香遠命友開樽同宴翫聽麗質歌聲宛  
轉對景側金盞任他結實和羹歸仙館

又

墨梅

庾嶺香前親寫得子細看粉勻無跡月殿休尋覓姑射  
人來知是曾相識 不要青春閒用力也會寄江南信  
息着意應難摘留與梨花比並真顏色

思歸樂

柳耆卿

天幕清和堪宴聚相得盡高陽儔侶皓齒善歌長袖舞  
漸引入醉鄉深處 晚歲光陰能幾許這巧宦不須多  
取共君把酒聽杜宇解再三勸人歸去

二色宮桃

鏤玉香苞酥點萼正萬木園林蕭索惟有一枝雪裏開  
江南有信憑誰託 前年記賞登高樓數年來舊歡如  
昨聽取樂天一句云花開處且須行樂

柳搖金

沈會宗

相將初下蕊珠殿似醉粉生香未遍愛惜嬌心春不管  
被東風賺開一半 中黃宮裏賜仙衣關淺深粧成笑  
面放出妖嬈難繫管笑東君自家腸斷

折丹桂

招山

初秋兩兩留莫算恰是生申佳節祝君壽閱八千秋  
歲歲對長空皓月 威宣北都推剛決氣凜凜秋霜爭  
烈灘頭雙鷁看飛來便有詔催歸天闕

翻香冷

蘇軾

金爐猶煖麝煤殘惜香愛把寶釵翻重勾處餘薰在這  
一般氣味勝從前 背人偷蓋小重山更揀沈水與同  
然且圖得氤氲久為情深嫌怕斷頭煙

舞春風

馮延巳

嚴粧纔罷怨春風粉牆畫壁宋家東蕙蘭有恨枝尤綠  
桃李無言花自紅 燕燕巢兒羅幙卷鶯鶯啼處鳳樓  
空年少薄倖知何處每夜歸來春夢中

明月棹孤舟

木屏

黃在軒

雁帶愁來寒事早西風把鬢華吹老猛省中秋都來幾  
日先自木犀開了 淄淄輕陰天弄曉平白地被花相  
惱一枕雲閒半窗秋透時有陣香飛到

卓牌子慢

楊无咎

西樓天將晚流素月寒光正滿樓上笑揖姮娥似看羅  
襪塵生鬢雲風亂珠簾終夕捲判不寐欄干凭暖好  
在影落清樽冷侵香幄歡餘未教人散

市橋柳

送行

蜀妓

野語


欲寄意渾無所有折盡市橋官柳看君着上征衫又相  
將放船楚江口後會不知何日又是男兒休要鎮長  
相守苟富貴無相忘若相忘有如此酒

玉壺冰

瓜

張老小說

西園摘處香和露洗盡南軒暑莫嫌坐上適來蠅只恐  
怕寒難近玉壺冰 井花浮翠金盆小午夢初回後詩  
翁自是不歸來不是青門無地可移栽



花草粹編卷十一